



脉 承 曹 溪
法 接 洞 山
湛 然 本 寂
千 载 绵 延



目录

43	41	41	36	32	30	26	23	12	11	09	08	07	05
—	—	—	—	—	—	—	—	—	—	—	—	—	—
曹山历史重要事件	五位旨诀	八要玄机	四种异类	三等之堕	注释洞山五位颂	解释洞山五位显诀	抚州曹山本寂禅师语录卷下	抚州曹山本寂禅师语录卷上	重集曹山元证大师语录自序	曹山语录序	曹洞语录序	抚州曹山本寂禅师语录	曹山本寂禅师



曹山本寂禅师

本寂禅师（840年~901年），唐代禅僧，曹洞宗第二祖，俗家姓黄，是福建泉州莆田人。少染鲁风，习儒学，率多强学，自尔淳粹独凝，道性天发。年惟十九，入福州福唐县灵石山出家。年二十五受具足戒。咸通年间（860年~873年），禅风兴盛，参谒洞山良价，往来请益，密受宗旨。后住抚州（江西）曹山，大扬宗风，详说洞山五位旨诀，成为丛林楷式，法席繁兴，学徒云集。

昭宗天复元年六月中旬，禅师问知事曰：「今日是何日月？」知事答曰：「六月十五。」禅师遂曰：「曹山平生行脚到处，祇管九十日为一夏，明日辰时行脚去。」及时，焚香，宴坐而化，世寿六十二，僧腊三十七，葬全身于山之西阿。世称曹山本寂，敕谥「元证禅师」，塔曰「福圆」。

本寂禅师是洞山良价禅师之法嗣，与洞山良价禅师开创禅宗五家之曹洞宗，被尊为曹洞宗第二代祖师，嗣法门人有曹山慧霞、荷玉光慧、金峰从志、鹿门处真、育王弘通、曹山智炬和慧济法安等，有《抚州曹山本寂禅师语录》二卷传世。





日本
玄契
编

抚州曹山本寂 禅师语录

本寂禅师祖师塔
至今约有一千二
百年的历史。





曹洞语录序

荆山之璞。非逢明世与和氏。则空藏荆石之中。灿然连城之美。岂得显乎哉。玉实不乏。明世与和氏。实难相逢而已。新丰荷玉之语录。初先是往。盛行于世。鱼目混珠。纯金在沙。宜默上座伤其弊深矣。就郭氏五宗录暨群籍之中。取其精。舍其粗。录终成矣。余与上座。方外之交甚厚。俾寄余读之。余曰。上座也其丰玉之和氏乎。虽有和氏。复非逢。

明世。则何以能至于斯哉。於戏懿哉。吾大东文明之征。至于有今日之美。孔门之徒。岂何敢不美其美喜其喜乎哉。新丰之录。雕梓已成。荷玉之录。今亦成。不佞书其所以美而喜。俾大方之人知上座之正法眼也。

元文庚申八月望

郡山柳泽里恭公美书于绿竹书室南窗



曹山语录序

古人有言曰。意不在言。又曰。得意忘言。意者旨也。言者标也。旨乎不易得之。标乎不难得之。所以假易得之标。得难得之旨。苟得其旨。忘标可也。若失其旨。标其安用。故古人为唯执其标者。谓之葛藤也。又谓之敲门瓦子也。云州禅者契宜默。得荷玉大师语于郭正中之五宗录。又得慧霞广晖晦然等著陈编。校雠同异。辨验真伪。题曰曹山语录。附向者所刊洞山语录。以广其传。大哉志于。其自隗始。然予未尝知之。果其得意者乎。抑又执言者乎。将以为敲门瓦子者乎。请质之禅者是岁宽保辛酉之春。鹰峰源光主人请问和南拜稽首撰焉。

虚玄无著。妙转灵机。金鸦夜翥。木马风嘶。四禁三堕。掌上然犀。重离五相。鼻尖斫泥。青原白家酒。醉人失东西。眉目不相识。阿师犹自迷。虫毒乡曾经历。滴水也难沾兮。者个描来那个聋。流布云仍辨端倪。

林泉沙门元趾和南拜题





本寂禅师手植
千年银杏树



重集曹山元证大师 语录自序

语录者何。荷玉大师元证之所说也。其所说也。存乎古。存乎今。自其存乎今者。而校其存乎古者。则古者可也。今者未可也。若其取之。抑取古而可乎。将取今而可乎。宁并取今古而可乎。嗚呼何取何舍。不如校雖今古而取其可也。大凡称大师语录而行于世者。率属伪撰。如夫作上堂示徒者。或如四禁颂加助辞。以作上堂曰者。其所伪撰。可以知矣。洞曹语录之于支那。郭黎眉所辑录也。是亦今而古则未也。虽然非全璧。光润亦非燕石之属也。于是不佞。拔出荷玉之教于五宗录中。取其所取。舍其所舍。或陈编以补其阙。语录成矣。於戏古人垂教后世。负其志者。为之前焉。征垂其教。居后之世。负其志者。安得前焉。不佞所以欲据摭古人之机语。校正古今之真伪。广传其教而亶亶也。敢请。居后之世。负其志者。为之前焉。为之人焉。为之体焉。若其如此。可谓吾与祖师。同乘一龟泛泛乎游泳于深池之中矣。岂不愉快乎。

元文五年庚申之冬大日本国沙门宜默玄契和南拜撰



抚州曹山本寂禅师语录卷上

无地地主人郭凝之编集



师讳本寂。泉州莆田黄氏子。少业儒。年十九。往福州灵石出家。二十五登戒。寻谒洞山。洞山问。闍黎名甚么。师曰。本寂。山曰。向上更道。师曰。不道。山曰。为什么不道。师曰。不名本寂。洞山深器之（僧宝传。师名耽章。此灯录所载。遂仍之）。自此入室。盘桓数载。乃辞去。洞山遂密授洞上宗旨。复问云。子向甚么处去。师云。不变异处去。洞山云。不变异处。岂有去耶。师曰。去亦不变异。遂往曹溪。礼祖塔。回吉水。众向师名。乃请开法。师志慕六祖。遂名山为曹。寻值贼乱。乃之宜黄。有信士王若一。舍何王观。请师住持。师更何王。为荷玉。由是法席大兴。学者云萃。洞山之宗。至师为盛。

师示众曰。凡情圣见。是金锁玄路。直须回互。夫取正命食者。须具三种堕。一者披毛戴角。二者不断声色。三者不受食。时稠布衲问曰。披毛戴角。是甚么堕。师曰。是类堕。云不断声色。是甚么堕。师曰。是随堕。云不受食。是甚么堕。师曰。是尊贵堕。

师因僧问五位君臣旨诀。师曰。正位即空界。本来无物。偏位即色界。有万象形。正中偏者。背理就事。偏中正者。舍事入理。兼带者。冥应众缘。不堕诸有。非染非净。非正非偏。故曰虚玄大道。无著真宗。从上先德。推此一位。最妙最玄。当详审辩明。君为正位。臣为偏位。臣向君。是偏中正。君视臣。是正中偏。君臣道合。是兼带语。僧问。如何是君。师曰。妙德尊寰宇。高明朗太虚。云如何是臣。师曰。灵机弘圣道。真智利群生。云如何是臣向君。师曰。不堕诸异趣。凝情望圣容。云如何是君视臣。师曰。妙容虽不动。光烛本无偏。云如何是君臣道合。师曰。混然无内外。和融上下平。师又曰。以君臣偏正言者。不

欲犯中。故臣称君。不敢斥言。是也。此吾法宗要。乃作偈曰。学者先须识自宗。莫将真际杂顽空。妙明体尽知伤触。力在逢缘不借中。出语直教烧不著。潜行须与古人同。无身有事超岐路。无事无身落始终。复作五相。豺偈曰。白衣须拜相。此事不为奇。积代簪缨者。休言落鼻时。轘偈曰。子时当正位。明正在君臣。未离兜率界。乌鸡雪上行。靛偈曰。焰里寒冰结。杨花九月飞。泥牛吼水面。木马逐风嘶。○偈曰。王宫初降日。玉兔不能离。未得无功旨。人天何太迟。●偈曰。浑然藏理事。朕兆卒离明。观音王未晓。弥勒岂惺惺。

师行脚时。问乌石观禅师。如何是毗卢师。法身主。乌石曰。我若向你道。即别有也。师举似洞山。洞山曰。好个话头。祇欠进语。何不问为甚么不道。师却去。进前语。乌石曰。若言我不道。即哑却我口。若言我道。即蹇却我舌。师归举似洞山。洞山深肯之。

云门问。如何是沙门行。师曰。吃常住苗稼者是。云门云。便怎么去时如何。师曰。尔还畜得么。云门云。畜得。师曰。尔作么生畜。云门云。著衣吃饭有甚么难。师曰。何不道披毛戴角。云门便礼拜。

师示众曰。诸方尽把格则。何不与他道一转语。令他不疑去。云门在众。出问。密密处。为甚么不知有。师曰。只为密密。所以不知有（云宝别云达磨来也）。云门云。此人如何亲近。师曰。莫向密密处亲近。云门云。不向密密处时如何。师曰。始解亲近。云门云。诺诺（妙喜云。浊油更著黑灯心）。

云门问。不改易底人来。师还接否。师曰。曹山无恁么闲工夫。师因米和尚至。未相见。米遂坐却禅床。师更不出。米便去。主事遂问。和尚禅床。为什么被别人坐却。师曰。去后却还来。米果回。与师相见。

智炬到参。问师云。古人提持那边人。学人如何体悉。师曰。退步就已。万不失一。炬于言下。顿忘玄解。

师问金峰志曰。作甚么来。金峰云。盖屋来。师曰。了也未。金峰云。这边则了。师曰。那边事作么

生。金峰云。候下工日白和尚。师曰。如是如是。

僧清税问。某甲孤贫。请师赈济。师曰。税阁黎近前来。锐近前师曰。泉州白家三盏酒吃后犹道未沾唇（玄觉云。甚么处。是与他酒吃）。

镜清问。清虚之理。毕竟无身时如何。师曰。理即如此。事作么生。镜清云。如理如事。师曰。漫曹山一人即得。争奈诸圣眼何。镜清云。若无诸圣眼。争鉴得个不恁么。师曰。官不容针。私通车马（大沲哲云。曹山虽然善能切磋琢磨。其奈镜清玉本无瑕。要会么。不经敏手。终成废器）。

师问德上座。菩萨在定。闻香象渡河。出甚么经。僧云。出涅槃经。师曰。定前闻。定后闻。僧云。和尚流也。师曰。道也太杀道。始道得一半。僧云。和尚如何。师曰。滩下接取。

纸衣道者来参。师问。莫是纸衣道者否。云不敢。师曰。如何是纸衣下事。道者云。一裘才挂体。万法悉皆如。师曰。如何是纸衣下用。道者近前应诺。便立脱。师曰。汝祇解恁么去。何不解恁么来。道者忽开眼问云。一灵真性。不假胞胎时如何。师曰。未是妙。道者云。如何是妙。师曰。不借借。道者珍重便化。师示颂曰。觉性圆明无相身。莫将知见妄疏亲。念异便于玄体昧。心差不与道为邻。情分方法沈前境。识鉴多端丧本真。如是句中全晓会。了然无事昔时人。

僧举陆巨夫问南泉。姓甚么。南泉曰。姓王。巨云。王还有眷属也无。南泉曰。四臣不昧。巨云。王居何位。南泉曰。玉殿荅生。问师。玉殿荅生意旨如何。师曰。不居正位。僧云。八方来朝时如何。师曰。他不受礼。僧云。何用来朝。师曰。违则斩。僧云。违是臣分上。未审君意如何。师曰。枢密不得旨。僧云。恁么则变理之功。全归臣相也。师曰。尔还知君意么。僧云。外方不敢论量。师曰。如是如是。

僧问。学人通身是病。请师医。师曰不医。僧云。为甚么不医。师曰。教汝求生不得。求死不得。

僧问师。古人曰。吾有大病。非世所医。未审是甚么病。师曰。攒簇不得底病。僧云。一切众生。还有此病也无。师曰。人人尽有。僧云。和尚还有此病也无。师曰。正觅起处不得。僧云。一切众生。为甚么不

病。师曰。一切众生若病。即非众生。僧云。未审诸佛还有此病也无。师曰。有。僧云。既有。为甚么不病。师曰。为伊惺惺。

僧问。沙门岂不是具大慈悲底人。师曰。是。僧云。忽遇六贼来时如何。师曰。亦须具大慈悲。僧云。如何具大慈悲。师曰。一剑挥尽。僧云。尽后如何。师曰。始得和同。

僧问师。眉与目。还相识也无。师曰。不相识。僧云。为甚么不相识。师曰。为同在一处。僧云。恁么则不分去也。师曰。眉且不是目。目且不是眉。僧云。如何是目。师曰。端的去。僧云。如何是眉。师曰。曹山却疑。僧云。和尚为甚么却疑。师云。若不疑。即端的去也。

僧问。五位对宾时如何。师曰。汝即今问那个位。僧云。某甲从偏位中来。请师向正位中接。师曰不接。僧云。为甚么不接。师曰。恐落偏位中去。师却问僧。祇如不接。是对宾。是不对宾。僧云。早是对宾了也。师曰。如是如是。

僧问。万法从何而生。师曰。从颠倒生。僧云。不颠倒时。万法何在。师曰在。僧云。在甚么处。师曰。颠倒作么。

僧问。不萌之草。为甚么能藏香象。师云。阁黎幸是作家。又问曹山作么。

僧问。三界扰扰。六趣昏昏。如何辨色。师曰。不辨色。僧云。为甚么不辨色。师曰。若辨色即昏也。

师闻钟声。乃曰。阿耶阿耶。僧问。和尚作甚么。师曰。打著我心。僧无对（五祖戒戒云。作贼人心虚）。

师问维那。甚处来。云牵醋槽去来。师曰。或到险处。又作么生牵。维那无对（云居代云。正好著力。疏山代云。切须放却始得）。

师一日入僧堂向火。有僧云。今日好寒。师曰。须知有不寒者。僧云。谁是不寒者。师策火示之。僧云。莫道无人好。师抛下火。僧云。某甲到这里却不会。师曰。日照寒潭明更明。



学者先须识自宗，莫将真际杂顽空。
如明体尽知伤触，力在逢缘不借中。
出语直教烧不著，潜行须与古人同。
无身有事超歧路，无事无身落始终。

《示学人》

僧问。不与万法为侣者。是甚么人。师曰。汝道。洪州城里如许多人。甚么处去。
僧问。如何是无刃剑。师曰。非淬炼所成。僧云。用者如何。师曰。逢者皆丧。僧云。不逢者如何。师曰。亦须头落。僧云。逢者皆丧则固是。不逢者为甚么头落。师曰。不见道能尽一切。僧云。尽后如何。师曰。方知有此剑。

僧问。于相何真。师曰。即相即真。僧云。当何显示。师提起托子。

僧问。幻本何真。师曰。幻本元真（法眼别去。幻本不真）。僧云。当幻何显。师曰。即幻即显（法眼

别云。幻即无当）。僧云。恁么则始终不离于幻也。师曰。觅幻相不可得。

僧问。即心即佛即不问。如何是非心非佛。师曰。兔角不用无。牛角不用有。

问。如何是常在底人。师曰。恰遇曹山誓出。云如何是常不在底人。师曰。难得。

僧问。拟岂不是类。师曰。直是不拟亦是类。僧云。如何是异。师曰。莫不识痛痒。

人问。古人曰。人人尽有。弟子在尘蒙。还有也无。师曰。过手来。乃点指曰。一二三四五六足。

僧问。鲁祖面壁。用表何事。师以手掩耳。

僧问。承古有言。未有一人倒地。不因地而起。如何是倒。师曰。肯即是。僧云。如何是起。师

曰。起也。

僧问。子归就父。为甚么父全不顾。师云。理合如是。僧云。父子之恩何在。师曰。始成父子之恩。僧

云。如何是父子之恩。师曰。刀斧斫不开。

问。灵衣不挂时如何。师曰。曹山孝满。云孝满后如何。师曰。曹山好颠酒。

问。承教有言。大海不宿死尸。如何是大海。师曰。包含万有。僧云。为甚么不宿死尸。师曰。绝气者

不著。师曰。万有非其功。绝气有其德。僧云。向上还有事也无。师曰。道有道无即得。争奈龙王按剑何。

问。具何知解。善能对众问难。师曰。不呈句。僧云。问难个甚么。师曰。刀斧斫不入。僧云。恁么问

难。还有不肯者也无。师曰有。僧云。是什么人。师曰。曹山。

僧问。世间甚么物最贵。师曰。死猫儿头最贵。僧云。为甚么死猫儿头最贵。师曰。无人著价。

僧问。无言如何显。师曰。莫向这里显。僧云。向甚么处显。师曰。昨夜床头。失却三文钱。

僧问。日未出时如何。师曰。曹山也曾恁么来。僧云。出后如何。师曰。犹较曹山半月程。

师问僧。作甚么。僧云扫地。师曰。佛前扫。佛后扫。僧云。前后一时扫。师曰。与曹山过鞞鞋来（五祖戒。代僧语云。和尚是何心行）。

僧问。抱璞投师。请师雕琢。师曰。不雕琢。僧云。为甚么不雕琢。师曰。须知曹山好手。

僧问。如何是曹山眷属。师曰。白发连头戴。顶上一枝花。

僧问。古德道。尽大地惟有此人。未审是甚么人。师曰。不可有第二月也。僧云。如何是第二月。师曰。也要老兄定当。僧云。作么生是第一月。师曰。险。

僧问。学人十二时中。如何保任。师曰。如经蛊毒之多。水不得沾著一滴。

僧问。如何是法身主。师曰。谓秦无人。僧云。这个莫便是否。师曰。斩。

僧问。亲何道伴。即得常闻于未闻。师曰。同共一被盖。僧云。此犹是和尚得闻。如何是常闻于未闻。师曰。不同于木石。僧云。何者在先。何者在后。师曰。不见道。常闻于未闻。

僧问。国内按剑者是谁。师曰。曹山（法灯别云。汝不是恁么人）。僧云。拟杀何人。师曰。但有。一切

总杀。僧云。忽逢本父母。又作么生。师曰。拣甚么。僧云。争奈自己何。师曰。谁奈我何。僧云。何不自己杀。师曰。无下手处。

僧问。家贫遭劫时如何。师曰。不能尽底去。僧云。为甚么不能尽底去。师曰。贼是家亲。

问。一牛饮水。五马不嘶时如何。师曰。曹山解忌口。又别曰。曹山孝满。

僧问。常在生死海中沉没者。是甚么人。师曰。第二月。僧云。还求出也无。师曰。也求出离。只是无

路。僧云出离什么人接得伊。师曰。担铁枷者。

僧问。雪覆千山。为甚么孤峰不白。师曰。须知有异中异。僧云。如何是异中异。师曰。不堕诸山色。

僧举。药山问僧。年多少。云七十二山云。是七十二么。云是山便打。此意如何。师曰。前箭犹似可。后箭射人深。僧云。如何免得此棒。师曰。王敕既行。诸侯避道。

僧问香严。如何是道。香严曰。枯木里龙吟。僧云。如何是道中人。香严曰。髑髅里眼睛。僧不领。乃问石霜。如何是枯木里龙吟。石霜曰。犹带喜在。僧云。如何是髑髅里眼睛。石霜曰。犹带识在。又不领。乃举似师。师曰。石霜老声闻作这个见解。因示颂曰。枯木龙吟真见道。髑髅无识眼初明。喜识尽时消息尽。当人那辨浊中清。僧遂又问师。如何是枯木里龙吟。师曰。血脉不断。云。如何是髑髅里眼睛。师曰。干不尽。云。未审还有得闻者么。师曰。尽大地人未有一人不闻。云。未审枯木里龙吟。是何章句。师曰。不知是何章句。闻者皆丧。

问。如何是佛法大意。师曰。填沟塞壑。

僧问。如何是师子。师曰。众兽近不得。僧云。如何是师子儿。师曰。能吞父母者。僧云。既是众兽近不得。为甚么却被儿吞。师曰。岂不见道。子若哮吼。祖父俱尽。僧云。尽后如何。师曰。全身归父。僧云。未审祖尽时。父归何所。师曰。所亦尽。僧云。前来为甚道全身归父。师曰。譬如王子能成一国之事。又曰。阍黎此事不得孤滞。直须枯木上更撒些子花。

问。才有是非。纷然失心时如何。师曰斩斩。

师读杜顺傅大士所作法身偈乃曰。我意不欲与么道。门弟子请别作之。既作偈又注释之。其词曰。渠本不是我（非我）。我本不是渠（非渠）。渠无我即死（仰汝取活）。我无渠即余（不别有）。渠如我是佛（要且不是佛）。我如渠即驴（二俱不立）。不食空王棒（若遇御饭直须吐却）。何假雁传书（不通信）。我说横身唱（为信唱）。君看背上毛（不与尔相似）。乍如谣白雪（将谓是白雪）。犹恐是巴歌（传此句无注）。

僧问。朗月当空时如何。师曰。犹是阶下汉。僧云。请师接上阶。师曰。月落后来相见（赵州语录同此今并存之）。

师垂语曰。有一人。向万丈崖头。腾身直下。此是甚么人。众无对。道延出云。不存。师曰。不存个甚么。延云。始得扑不碎。师深肯之。

僧举。西园一日自烧浴次。僧问。何不使沙弥。西园抚掌三下。问师。师曰。一等是拍手抚掌。就中西园奇怪。俱眠一指头禅。盖为承当处不谛当。僧却问师。西园抚掌。岂不是奴儿婢子边事。师曰是。云向上更有事也无。师曰有。云如何是向上事。师叱曰。这奴儿婢子。

南州帅南平钟王。雅闻师有道。尽礼致之。不赴。但书偈付使者曰。摧残枯木倚寒林。几度逢春不变心。樵客见之犹不采。郢人何事苦搜寻（钟氏请不起。但写大梅山居颂。答之）。

师作四禁偈曰。莫行心处路。不挂本来衣。何须正恁么。切忌未生时。

示学人偈曰。从缘荐得相应疾。就体消停得力迟。瞥起本来无处所。吾师暂说不思议。

示众曰。僧家在此等衣线下。理须会通向上事。莫作等闲。若也承当处分明。即转他诸圣。向自己背后。方得自由。若也转不得。直饶学得十成。却须向他背后叉手。说甚么大话。若转得自己。则一切粗重境界。皆作得主宰。假如泥里倒地。亦作得主宰。如有僧问药山曰。三乘教中。还有祖意也无。答曰有。僧云。既有。达磨又来作么。药山曰。只为有所以来。岂非作得主宰转得归自己乎。如经云。大通智胜佛。十劫坐道场。佛法不现前。不得成佛道。言劫者滞也。谓之十成。亦云断渗漏也。只是十道头绝矣。不忘大果。故云守住耽著名为取次承当。不分贵贱。我常见丛林。好论一般两般。还能成立得事么。此等但是说向去事路布。汝不见。南泉曰。饶汝十成。犹较王老师一线道。也大难事到此直须仔细始得明白自在。不论天堂地狱饿鬼畜生。但是一切处不移易。元是旧时人。只是不行旧时路。若有忻心。还成滞著。若脱得。拣甚么。古德云。只恐不得轮回。汝道作么生。只如今人。说个净洁处。爱说向去事。此病最难治。若是世间


粗重事却是轻。净洁病为重。只如佛味祖味。尽为滞著。先师曰。拟心是犯戒。若也得味是破斋。且唤什么作味。只是佛味祖味。才有忻心。便是犯戒。若也如今说破斋破戒。即今三羯磨时。早破了也。若是粗重贪嗔痴。虽难断却是轻。若也无为无事净洁。此乃重无以加也。祖师出世。亦只为这个。亦不独为汝。今时莫作等闲。鸷奴白牯修行却快。不是有禅有道。如汝种种驰求。觅佛觅祖乃至菩提涅槃。几时休歇成办乎。皆是生灭心。所以不如鸷奴白牯。兀兀无知。不知佛不知祖乃至菩提涅槃及以善恶因果。但饥来吃草。渴来饮水。若能恁么。不愁不成办。不见道。计较不成。是以知有。乃能披毛戴角。牵犁拽来。得此便宜。始较些子。不见弥勒阿閼。及诸妙喜等世界。被他向上人。唤作无惭愧懈怠菩萨。亦曰变易生死。尚恐是小懈怠。在本分事。合作么生。大须仔细始得。人人有一坐具地。佛出世侵他不得。恁么体会修行。莫趁快利。欲知此事。饶令成佛成祖去。也只这是。便堕三涂地狱六道去。也只这是。虽然没用处。要且离他不得。须与他作主宰始得。若作得主宰。即是不变易。若作主宰不得。便是变易也。不见永嘉云。莽莽荡荡招殃祸。问。如何是莽莽荡荡招殃祸。曰只这个总是。问云。如何免得。曰知有即得。用免作么。但是菩提涅槃烦恼无明等。总是不要免。乃至世间粗重之事。但知有便得。不要免。免即同变易去也。乃至成佛成祖。菩提涅槃。此等殃祸为不小。因甚么如此。只为变易。若不变易。直须触处自由始得。

师于天复辛酉夏夜。问知事曰。今日是几何日月。对云。六月十五。师曰。曹山平生行脚到处。祇管九十日为一夏。明日辰时。吾行脚去。及时焚香。宴坐而化。阅世六十二。腊三十七。葬全身于山之西阿。溢元证禅师。塔曰福圆。



莫行心处路，不挂本来衣。
何须正恁么，切忌未生时。

——《四禁偈》



抚州曹山本寂禅师语录卷下

日本沙门玄契编次

上堂僧问。如何是大阐提人。师曰。不惧业。僧云。如何是无明人。师曰。始终不觉悟。僧云。此二人谁在前。师曰。无明者。僧云。阐提人为什么在后。师曰。向去者。僧云。恁么则无明者不从今日去也。师曰是。僧云。既不从今日去。无明从何处来。师曰。光处不敢入。僧云。岂不是不明不暗。师曰是。僧云。正恁么时如何。师曰。不受触。师复曰。阐提有多种。一类者。是杀父杀母。出佛身血。破和合僧。毁坏伽蓝。此克定实报受种种苦。一类者。亦所作如前。此则为杀无明父贪爱母。不信有佛法僧可破有伽蓝可坏。计为业心所得。故堕亦受种种虚妄果报。如前升降不同。一类者。知有自己本来事。呼为父母。不因外得。无修无证。非因非果。不因师受。不从证行所得。不起父见曰杀。不起母见曰害。即是一切本分事不取不存故曰杀害。才有纤毫奉重。得味不成。知有自己事也。故曰大阐提。以此动拨妙力。即是从上宗乘体会家事承当。要截玄道破诸迂曲。即如新丰老人所云示也。

忠国师募唤侍者。侍者来立。国师低头。侍者立多时出去。国师唤侍者。如是三度了曰。将谓我辜负汝。汝却辜负我。百丈举问赵州。国师三唤侍者意作么生。州曰。如人暗里书字。字虽不成。文彩已彩。又后有。人。举问师。国师三唤侍者意作么生。师曰。侍者第二遍回来。云某甲不信和尚唤。

南泉曰。未具胞胎时。还有语也无。有人举问雪峰。峰曰。道有道无。则吃三十棒。又问招庆。庆曰。从他自道。又举问师。师曰。有。云请和尚傍譬。师曰。将什么物闻。云聋者还闻也无。师曰。聋者若得闻。则具耳目。云什么人得闻。师曰。未具胞胎者。



僧问师。教云。一句能吞百千万义。如何是一句。师曰。针札不入。有一座主。辞南泉。泉问。什么处去。对云。山下去。泉曰。第二不得谤王老师。对云。争敢谤和尚。泉喷水曰。多少。座主便出去。师曰。赖也。

泐山一日唤院主。院主来。山曰。我唤院主。汝来作什么。院主无对。师代曰。也和和尚不唤某甲。又令侍者唤第一座。第一座来。山曰。我唤第一座。汝来作什么。师代曰。若令侍者唤恐不来。

有僧。辞药山归乡去。药山问。有一人。遍身红烂。卧在荆棘之中。僧云。恁么则学人不归去。药山曰。但知归去。与尔休粮方。问如何是休粮方。山曰。每日上堂不咬破一粒米也。师曰。只如古德有云遍身红烂底人。祇是丑陋底人。一切人近不得。无拈掇处。更道卧在荆棘之中。只道在如今日用。也亦无作拈掇处护持保任边事。时有僧问。遍身红烂时如何。师曰。荷负。云荷负什么人。师曰。勿红烂到闍黎。又问。丑陋人与满身红烂底人。阿那个是重。师曰。大丑陋底人重。师又举问僧。大保任底人保任个什么。自代曰。终日在背后。不曾觑著。

俱胝和尚凡有诘问。唯举一指。后有童子。因外人问。和尚说何法要。童子亦竖起一指。胝闻遂以刀断其指。童子负痛号哭而去。胝复召之。童子回首。胝却竖起指。童子忽然领悟。胝将顺世。谓众曰。吾得天龙一指头禅。一生用不尽。言讫而寂。师曰。俱胝承当处莽卤。只认得一机一境。

洞山上堂。道无心合人。人无心合道。欲识个中意。一老一不老。后僧举问师。如何是一老。

师曰。不扶持。云如何是一不老。师曰。枯木。

僧问师。维摩默然文殊赞善。未审还称得维摩意么。师曰。尔还缚得虚空么。僧云。恁么则不称维摩意也。师曰。他又争肯。僧云。毕竟有何所归。师曰。若有所归。即同彼二公也。僧云。和尚又作么生。师曰。待尔患维摩病始得。

洞山到栴树。栴问曰。来作什么。山云。亲近和尚。栴曰。若是亲近。用动两片皮作么。山无对。师曰。

一子亲得。僧问洞山。三身之中。阿那身不堕众数。山曰。吾常于此切。僧问师。先师道。吾常于此切。意作么生。师曰。要头便斫去。

洞山将圆寂。谓众曰。吾有间名在世。谁人为吾除得。众皆无对。时沙弥出曰。请和尚法号。山曰。吾间名已谢。师曰。从古至今。无人辨得。

无著吃茶次。文殊拈起玻璃盏问。南方还有这个么。著曰无。文殊曰。寻常将什么吃茶。著无对。师代曰。久承大士按剑。为什么处在一尘。

师曰。谓然灯前有二种。一未知有。同于类血之乳。一知有。犹如意未萌时得本物。此名然灯前。一种知有。往来言语声色是非亦不属正照用。亦不得记。同类血之乳。是漏失边事。此名然灯后。直是三际事尽。表里情忘。得无间断。此始得名正然灯。乃云得记。

公元1009年，
宋真宗敕赐寺名
『宝积禅寺』。





解释洞山五位显诀

（夫先师所明偏正与兼带。等用先师本意。不为明功进修之位兼涉教句。直是格外玄谈要绝妙旨。祇明从上一物体现前。冥叶古圣之道。今见诸学士淫拣先师意度。似有误彰。不免聊为叙其差。当愧在不混其功。于中或有借位明功借功明位。缘绪多端。功在临时。看语来势。不负来机。妙在佳致尔）。

正位却偏。就偏辨得。是圆两意（正位却偏者。为不对物。虽不对物却具正中无用为偏。全用为圆。是两意。问如何是全。云不顾者得底人也。此正位不明来也。若佛出世也恁么。若佛不出世也恁么。所以千圣万圣皆归正位承当。正中偏却具此一位。第一不得动著如学士拣独脱物外。起众圣之前。云是正位却圆。其实屈正位也。此例语是古人道过迹尚存。犹未得语中无语。此复呼为非正位也。为语中有语故。此可呼为有病兼带。不得呼为相兼带来耳）。

偏位虽偏。亦圆两意。缘中辨得。是有语中无语（为用处不立的。不立的则真不常用也。偏位虽偏亦圆者。用中无物不触。是两意虽就用中明。为语中不伤。此乃竟曰道如不道一般。又曰。偏位却圆。亦具缘中不触）。



或有正位中来者。是无语中有语（正中来者。不兼缘。如药山曰。我有一句子。未曾向人说。道吾曰。相随来也。此是他妙会得。如湖南观察使语。此例甚多。事须合出不得混尊卑。呼为无语中有语。又我有一句子。未曾向人说。此问答家。须就出不得乖角。乖角则不知有故句句无语不立尊贵。不落左右。故云正中来也。正位来。明正位不涉缘。又引语例者。如黑豆未生芽时作么生。又如曰有一人无出入息。又曰未具胞胎时还有言句也无。十方诸佛出身处也。此例唤作无语中有语。又有借事。正位中来者。此一位答家。须向偏位中。明其体物。不得入正位明也。此一句要知。如先师问新罗僧。未过海时在什么处。无对。自代曰。祇今过海。也在什么处。又如先师代慎微长老出口杖语曰。如今出也有人辨得么。此例虽缘中认得。不同向去。辨不得。恐后人收落功勋。将为向上事。如诸学士拣问祖师意。答待特牛生儿则向汝道。曰此是正位中来。此一例语切不得呼为正位中来。可曰玄学路中问答。俱然也别是一路。又不得呼为相兼带。为显明故。纵宾主回互祇得呼为有病兼带）。

或有偏位中来者。是有语中无语（偏位中来者。则兼缘。如曰即今底呼作什么即得。无对。先师自代曰。不得不得。此例亦多。唤为有语中无语也。语从四大声色中来。不立处所是非。故曰缘中辨得是偏位中来也。引语例者。如曰什么物恁么来。亦曰光境俱忘复是何物。亦曰定慧等学明见佛性。此例亦多。唤作有语中无语偏位中来者。就物明体。如曰什么物恁么来。又光境俱忘。复是何物。此一例语寄功明位。亦是余旧举例。什么物恁么来。此一例语虽缘中认得。不同向云。又定慧等学明见佛性。此理如何。此一例语亦余初举例语。又如光境俱忘。为是教中之则。不同玄学。只要于他教则出宗门中。玄学外事也祇如出息不依众缘。入息不居蕴界而住。此语全是功不同缘中认得。亦是予旧举例。主家抽入正位。云有一人无出入息。令渠知有正位更有挟功极则净洁位。亦得呼为偏位中来。此难辨。须拣得出。如学士拣僧问先师。如何是玄旨。师曰。如死人舌。又问。十二时中将何奉献。曰无物。曰是偏位中来。此二例语不得呼为偏位中来。须各拣。若是玄旨一例语。

可同于功勋也。此二例语并不得呼为偏位及兼带也。前已明破了。是借功明位。借位明功。同于此也）。

或有相兼带来者。这里不说有语无语。这里直须正面而去。这里不得不圆转。事须圆转（相兼带来者。为语势不偏不正。不存不无。如全不全。似亏不亏。唯得正面而去也。去则不立的。不立的则至妙之言。境不圆常情之事。如先师代文殊吃茶语。曰借取这个看得么。亦如翠微曰每日么嚏什么）。

然在途之语。总是病。夫当人先须辨得语句。正面而去。有语是恁么来。无语是恁么去。作家中不无言语。不涉有语无语。这个唤作兼带语。兼带语全无的也（相兼带来者。不落有语无语。如药山带刀语。此是兼带语临时看语来势。或当头正面而去。或异中虚。此若不妙会。则千里万里也。引相兼带来语例者。如文殊吃茶语。及这个人如今什么处去也。云岩曰。作么作么。又曰。即今作么生。此例甚多。亦有功勋中兼带。似向上事。临时辨取。如落净妙之处。则须知有事在。要去则去。要止则止。千万宛转不得莽卤。夫问答两家语势相报。皆不出五位也。但语有粗细。答有浅深。所以先师于非言句中。强以言。皆为对缘。而设斯要耳。如大无明底人。为全体。不同阐提。阐提则知有事却鞭。虽鞭却成孝养。鞭者不存祖佛及自己本分父母也。红烂底人为不归全担荷不立至尊。大保任底人为刺脚入泥里。非小小护持夫相兼带来者。直须似文殊吃茶语。及先师答云岩锄姜语。并安和尚法堂语。及药山淳布衲洗佛语。于中最妙兼带。无过药山答道吾带刀语。及百丈下堂大众欲散未散时问云。是什么。药山遥闻此语。云在此。便道暗头兼带。借功明物。借物明功。借过明功。借功明过。等来若是。药山与新丰并前诸德所出超过人正位。是玄谈奇特句已。次到小小得力者。则抽入正位。此例语。常用也。吾缘住持多绪。不及子细。略明少分许。汝等诸人。不须容易轻慢。若更有凝滞。旋当决了。直须励力修行。令未来际不断此事。不得慢泄。或值纯朴者。是奇器。亦不可隐耳）。

他智上座临迁化时。向人道。云岩不知有。我悔当时不向伊说。虽然如此。且不违于药山蔡子。看他智上座合作么生老婆也。南泉曰。异类中行。且密闍黎不知有。



注释洞山五位颂

正中偏（暗里点头）。三更初夜月明前（黑白未交时辨取萌芽未生之时。只今是什么时。此中无日月。不说前后去也）。莫怪相逢不相识（忘却也。就也。又作么劫中违背来。恁么则俱拱手去也）。隐隐犹怀旧日嫌（此两句一意。终不相似。又曰。圆也。又今日重什么。又恁么则不自欺得）。

偏中正（缘中会也）。失晓老婆逢古镜（露也。适来又记得。又是什么模样。恁么则别不呈色）。分明覩面更无真（即今会也。只者个便是也失。又恁么则未有真时较些子）。争奈迷头还认影（不是本来头。又莫认影即是又终不记得。又恁么则改不得也）。


正中来（过也）。无中有路出尘埃（无句中有句相随来也。又从来事作么生。恁么则不相借也）。但能不羈当今讳（傍这个早是傍也。自是一般人恁么则尽大地无第二人也）。也胜前朝断舌头（非默更切于这个又终不切齿。恁么则叮叮不得者）。

兼中至（有句中来）。两刃交锋不须避（主客不相触彼彼不伤也。箭箭相柱。脉脉不断。不相敌者又恁么则却不相管）。好手犹如火里莲（坏不得。谁是谁得便者弱于阿谁。又恁么则终不作第二人也）。宛然自有冲天气（不从不人得。又恁么则不借也非本有。又恁么则己亦不存非己有）。

兼中到（妙挟）。不落有无谁取和（不当头。他是作家。正好商量。唤什么作商量。道将来云问）。人尽欲出时流（皆欲出类。有什么出头处。又动则死。又恁么则随处快活也）。折合还归炭里坐（一也。即可知也。将知合作么生。漫他不得。又恁么则赖得是某甲。此位中事总就正位为主。若是正位中。兼无言语。亦无对宾底道理。若是对宾。偏位极则处。呼为对宾也。若是兼带等。总是临时索唤不同。或时对。或

时不对。亦呼为有语中无语。无语中有语。广如偏正位中所明。更有不入偏正位子语。方难为人。须是明眼底人始得。不受指东划西）。

一花开五叶，结果自然成。





三等之堕

夫沙门取食。有三等堕。作水牯牛是沙门堕。不受食是尊贵堕。不断声色是随类堕。只堕去是甚么人分上事（欲知则是人异类中。不认沙门边事。所以古人权借水牯牛为异类。只是事上异类。非言语中异类）。

若是言语中异类。则是往来言语尽是类。所以南泉道。智不到处切忌道著。道著则头角生。唤作如如。早是变也。直须向异类中行。如今须向异中道取异中事。夫语中无语始得。若是南泉病时有人问。和尚百年后向甚么处去。泉曰。我向山下檀越家。作一头水牯牛去。云某甲拟随和尚去。还得么。泉曰。若随我。含一茎草来（这个是沙门转身语。所以道。汝拟近。含一茎草来。亲近渠。是呼为无漏始堪供养渠）。

又曰。随类堕者。只今一切声色物物上。

转身去不随阶级。唤作随类堕。又曰。尊贵堕者。法身法性是尊贵边事。亦须转却。是尊贵堕。只如露地白牛。是法身极则。亦须转却免他坐一色无辨处。并是称断供养边事。欲须供养。须得此食。所以无味之味。亦曰无漏是堪供养。并余触污之食。非无漏解脱之食也。有人问百丈。以何为食。曰无漏为食。云岩曰。莫将以味为供养。道吾曰。知有保任处。尽是供养。

夫取正命食者。须具三种堕。时有僧问。披毛戴角是甚么堕。不断声色是甚么堕。不受食是甚么堕。余曰。披毛戴角是沙门堕。不断声色是随类堕。不受食是尊贵堕。不受食尊贵堕者。是本分事。知有不取。故曰尊贵堕。披毛戴角沙门堕者。不执沙门边事及诸圣报位也。不断声色随类堕者。为初心知有自己本分事。回光时。拨出诸色声香味触法。得宁谧则成功后不执六尘。堕而不昧。任之无碍。故曰。外道六师是汝师。彼师所堕。汝亦随堕。可以食。食者则是正命食也。亦本事也。只



是就六根门头见闻觉知。不被染污。呼为堕。不同向前怕也。本分事犹不取。况其余（沙门取食有三种堕。作水牯牛。是甚么堕。代曰。不处正位。不拣其身。始唤作沙门堕。不断声色。是甚么堕。代曰。凡情得尽。圣量亦忘。声色尘中不应更断。乃可取食。是为随类堕。又曰。彼师所堕。汝亦随堕。乃可取食。沙门堕者。亦不无其行。亦不无其间。虽有其间。常无其间。虽有其行。常无其行。其中此事切须知时节莫东西）。

问如何是彼师所堕。曰田舍翁入聚落。眼耳鼻舌身意俱失却。云如何是随类堕。曰不断声色。又曰。不失香味。云如何是彼师。曰六处。云如何是汝亦随堕。曰存。云存个甚么。曰不得动著。又不离声色。

问不受食甚么堕。曰了达正因。不存胜解。故曰尊贵堕也。

又汾山曰。我百年后。作一头水牯

牛。左肋上书汾山僧某甲一行字。汝道。当见之时。唤作甚么。无对。后师代曰。唤作水牯牛。

问未审此水牯牛还解耕稼否。曰灼然。云是甚么类。曰披毛戴角者。云四时食何水草。曰不入口者。云如何是水牯牛。曰不证圣。云如何是含一茎草。曰羽毛相似去。

问是超圣。是超类。曰是超圣。问如何是水牯牛。曰冥冥朦朦。云如何是含一茎草来。曰古人道了。也羽毛相似去。又曰。一草者。祇是明得不变异也。

余曰。祖佛不知有。狸奴白牯却知有。云为什么狸奴白牯却知有。曰祇是百无所解。云祇如祖佛。为甚么不知有。曰祖为执印。佛为相似。云祇如狸奴白牯。知有个甚么。曰祇知有狸奴白牯。云如何是狸奴白牯知有底事。曰不从东西来。不从三十二相。问如何是祖。曰上有。云如何是佛。曰相似去。





四种异类

一者往来异类者。如今一切声色言语阶级地位舍父逃逝。尽皆却向上祖。又得为异类。又天堂地狱饿鬼畜生修罗等。皆是异类。二者菩萨同异类者。先明自己然后却入生死异类中摄他。已证涅槃之果。不舍生死类。自利利他。愿一切众生皆成佛。从末后成佛。所以大权菩萨若不先化众生。已事无由得成辨。故南泉曰。先过那边知有。却来遮边行李。菩萨具六度万行。教云。若有一众生未度者。吾终不成正觉。誓愿无边。众生无边。如是行持。故名菩萨同异类。三者沙门异类者。先知有本分事了。丧尽今时一切凡圣因果功行。始得就体一般。名为独立底人。亦名沙门称断事。始得表里情忘三世事尽。得无遗漏。得名佛边事。亦云一手指天地。亦云具大沙门。转却沙门称断边事。不入诸圣报位。始得名为沙门行。亦云沙门转身。亦云披毛戴角。亦唤作水牯牛。恁么时节始得入异类。亦云色类边事。所以古人道。头长三尺颈长二寸。祇是这个道理。不得别会。四者宗门中异类者。如南泉曰。智不到处。切忌道著。道著则头角生。唤作如如。早是变也。直须向异类中行。道取异类中事。洞山曰。此事直须妙会。事在其妙。体在妙处。余自道。此事直须虚一位全无的也。靛面兼带始得若是。作家语不偏不正。不有不无。呼为异类中虚此事。直须作家横身。



逢木著木。逢竹著竹。须护触犯。嘱嘱嘱（有人问余。如何是异。曰我若向汝道。驴年得异否。所以有人问南泉。百年后向甚么处去。泉曰。山下檀越家作一头水牯牛去。云某甲随和尚去得否。泉曰。尔若随我。含一茎草来。余曰。此水牯牛不同沙门水牯牛。直须子细始得。不迷时候）。

问如何是往来异类。余曰。未知有自己。又曰。一切言语声色是非总是往来异类。云如何是同中异类。余曰。不择其身。云如何是披毛戴角。余曰。不立触净。又非时答触。即触遇净即净。云如何是宗门中异类。余曰。要头则斫将去（洞山先师因僧问沙门行。先师答曰。头长三尺颈长二寸。又问余。此意如何。余曰。胜句妙句。僧云。唤什么作胜句妙句。余曰。胜句妙句有三种。一者诸佛出四十九年施设方便。十二分教。百千三昧。沙门个个穿究。尽是胜句妙句。此是出世边说。二者从凡人圣。洞达自己与佛无异。得无遗漏始得通身。始唤作一尘一念十方婆伽梵一路涅槃门。到恁么时节。不处正位。不择其身。却人异类中。披毛戴角。无异念。故云一切物类比况不得。诸佛诸祖计较不成。所以古人道。沙门语不得将尺寸语与人。故唤作胜句妙句。此是色类边语。三者一切所有底物比不得。始呼为胜句妙句。所以古人道。千般比不得。万物流不成。智者不能知。上根亦不识。亦曰。本来无相似。故胜句妙句。胜句妙句者。天上人间测度不得底事。故古人曰。唤作超始终句。借此为语类边说行）。

稠布衲问。如何是色类。余曰。披毛戴角。云如何是云语类。余曰。曹山只有一双眉。又问。如何是水牯牛。余曰。蒙蒙瞳瞳。云此意如何。余曰。不知有天地。稠又举。上座问云居。先师有言。自少养一个儿子。头长三尺颈长二寸。如何是自少养得底儿子。居曰。日给难忘。云如何是头长三尺。居曰。不奈何。云如何是颈长二寸。居曰。至今还奈何得否。云如何是日给难忘。居曰。常在则是。云如何是常在。居曰。不违背则是。云如何是不奈何。居曰。到恁么时甚么人奈何得。云至今还奈何。此意如何。居曰。三世诸佛不奈何。问余。如何是头长三尺颈长二寸。余曰。不是从来底事。云如何是从来底事。余曰。唤作甚么。问沙门行个甚么行。余曰。畜生行。云如何是畜生行。余曰。披毛戴角。云如何是沙门。余曰。物物不间断。云

不间断底事如何。余曰。始得行。云如何是披毛戴角底人。余曰。不惧业。云为甚么到恁么地。余曰。若不惧业。甚么处不到。问从凡人圣则不问。从圣人凡时如何。余曰。水牯牛。云如何是水牯牛。余曰。蒙蒙瞳瞳。云此意如何。余曰。但念水草。余无所知。云成是个甚么边事。余曰。祇是个逢草吃草。逢水饮水（又曰。这个语有力。欲知有力。此人不执沙门边事。亦不入诸圣报位便是入异类。是异类是披毛戴角。唤作沙门行。亦唤作沙门行李处。亦唤作头长三尺。颈长二寸。欲知此意。到沙门行时。不欲将尺寸分亲疏。不得说张三李四又头长三尺者。只得从小至大今日功成。得到恁么时。唤作胜句妙句。颈长二寸者。是不坐沙门位。亦不处诸圣报位。故为颈长二寸。恁么时不得说著称与不称。所以道。不将尺寸来向这里思量也。虽然如此。犹是类边事。须知有异类中事。不见道。智不到处。不得说著。说著即头角生。唤作如如。早是变也。须向异类中行。唤作虚一位。唤作翹而兼带。全无的的也）。

云如何是类。余曰。披毛戴角。云如何是异。余曰。作么作么。云如何是行。余曰。要头则斫将去（云只如异类。成得个甚么边事。余曰。此事有二种异类。一者沙门异类。二者事上异类。事上异类者。狸奴白牯是也。沙门异类者。触处得自由。始得不变异。不同那个。先师问余。甚么处去。余曰。不变易处去。此不变易事有二种。一者人人尽有本分事。二者知有底人。不舍一切声色是非。于一切物物上不滞。呼为一切处不易。亦唤作披毛戴角。亦唤作人泥入水。亦唤作行李底汉）。

云如何是人泥入水。师曰。不变易。云转身也否。余曰。不转身。云此人屋里事如何。余曰。诸圣测不得。云为甚么测不得。余曰。是伊不同诸圣。云此犹是类边事。还有向上事否。余曰有。云如何是向上事。余曰。向汝道。则恐落类边去。



八要玄机

回互。不回互。宛转。傍参。枢机。密用。正按。傍提。



五位旨诀

正中来者。太过也。全身独露。万法根源。无咎无誉。偏中至者中孚也。随物不碍。木舟中虚虚通自在。正中偏者巽也。虚空破片处处圆通。根尘寂尔。偏中正者兑也。水月镜像本无生灭。岂有踪迹。兼中到者重离也。正不必虚。偏不必实。无背无向。又曰。心机泯。色空忘。更无覆藏。全体露现。是曰正中偏。山是山。水是水。无人妄名。无物此伦。是曰偏中正。净裸裸。赤洒洒。面目堂堂。尽天尽时。独尊无二。是曰正中来。宛如寰中天子。不借禹汤尧舜令。眼见耳闻。终不借他力。耳之不入声中。声之不塞耳根。里头才转身。尘中未带名。是曰兼中至。不是心不是境。不是事。不是理。从来离名状。天真忘性相。是曰兼中到。



曹山本寂禅师语录（终）

慈湛居士字禅海。丹州野野村人也。姓菅原氏。假字清左卫门。原名广次。少卜居京师。向往鹰峰觉城和尚。执弟子礼。曩者请予刊洞山语录。既卒其业。今也刊曹山语录。附乎曩者所刊。以为壹帙。广布法宝。所鳩功利。以荐妇与女。又预修自冥福者乎。妇也者慈照禅尼者。女也者智贞善女者。将其芳名标出乎右。又记其事。而传居士勇为于不朽矣。

宽保元年辛酉春

云州沙门宣默玄契谨识

曹山历史
重要事件

唐乾符五年 公元878年

本寂禅师来到抚州宜黄，邑人居士王若一舍何王观请师住锡，师易其名为荷玉。敕于其地建荷玉禅寺。荷玉禅寺获朝廷正式承认并冠以敕名，可能还有扩建。师志慕曹溪，名所居止处为曹山，因此这里开始称为曹山，荷玉也称为曹山寺。是时法席大兴，学者云萃，洞山之宗，至师为盛。

唐光化二年 公元889年

抚州刺史危全讽上奏称『曹山有梵僧群集山顶，乡民追之，皆飞行而去，遗其笠，制甚奇古。』

唐天复元年 公元901年

本寂禅师圆寂，世寿62岁，僧腊37年。门人奉骨葬殓，建塔于寺西凤形坑，敕赐元证大师，塔名『福圆』。

唐代

本寂禅师弟子慧霞号称『中曹山』，继而住持荷玉观，为曹山第二世。其后，曹山光慧、曹山智炬和慧济法安等相继住持曹山法席。

宋祥符二年 公元1009年

敕赐寺名为宝积禅林。善士世俗仍称之为曹山寺。

宋代

胥仕隆曾孙胥世安于曹山做今龙堂，『阴行其善，布施之产，田畴遍野，竹树连云。延僧权其出入，鰥寡孤独，生则于食之，歿则殓埋之。』

宋代

宋代有黄龙宗法嗣释雅禅师、释道震等先后执掌曹山寺法席。

宋绍兴二年 公元1132年

曹山寺方丈寮遭陨石震坏，住持释了如得邑人将士郎邓经相助修复，并对大雄宝殿、禅堂等加以修复，寺院『雄丽靚深，为一时伟观，而四方之游者日至，食指千余，倍徙他日。』当时金兵南侵，江淮寺庙多毁，僧众流亡。一些偏僻小寺虑人多难以维系，多『惧而不纳』，释了如广开山门，长开海单，收容逃难僧众，以致宝积寺内住僧数百。其法门之正，道风之严也声名远播。



1.1981年12月15日，江西省地委领导到曹山寺旧址视察。
2.上世纪八十年代地委统战部部长张瑛（前）在曹山寺视察。



3.上世纪八十年代江西省委统战部副部长杜本生（前）来曹山寺视察。
4.上世纪八十年代曹山寺遗址全景图。



元代末年

曹山寺遭兵祸而毁，法脉传承失详。

明洪武年间 公元1368年—1398年

释显化住持曹山寺法席，实践农禅并重之祖训，『任勤苦，剪蒿莱』，『修佛殿，建法堂，天王殿巍于前面，钟鼓楼列于东西』，『长廊环绕，位居鳞次』，重现祖师道场雄姿，住僧达数百人。

明洪武六年 公元1373年

江西遭水灾。释显化将寺中积蓄的一千多担稻谷捐出赈灾。事闻于上，明太祖朱元璋敕封释显化『斯道禅师』之号，赐寺额『宝积禅林』。

明代

此后，临济宗第三十一世释万如、第三十二世释行秀先后住持曹山寺法席。

明崇祯年间 公元1628年—1644年

崇仁龙济寺方丈释观心应知府、县令之请，兼主曹山寺法席，重新修葺三间大殿，僧徒数十人。



清顺治五年 公元1648年

土寇蹂躏，独逃难曹山者获免。

清顺治六年 公元1649年

释观心在曹山寺圆寂。

清代初年

曹山寺遭兵乱，本寂禅师全身法塔被毁。

清顺治十二年 公元1656年

博山能仁寺方丈释道盛率徒释大智等人专程来曹山礼祖，重修本寂禅师全身法塔，重葬其灵骨，由释大智撰塔铭。

羅城全圖



宋、明、清历代《宜黄县志》和《宗教词典》对宝积寺有多版记载。

清康熙、乾隆年间 公元1662年—1795年

释仙源、释智胜、释明敏等相继住持曹山寺法席。

清康熙二十六年 公元1687年

曹洞宗桃峰、石碧诸山弟子重修本寂禅师塔。

清雍正十二年 公元1734年

加封本寂禅师『宝藏元证禅师』。

清道光五年 公元1825年

《重修曹山寺碑记》记载：『当时曹山寺已处于衰败，『殿宇荒凉，香销烛灭，墓石倚斜，墓碑倾卸』。』

民国期间

曹山寺宇仅存部分旧殿和一些佛像，有斋公照顾香火，已无僧人住持。

1958年

曹山寺佛像被毁。

『文化大革命』期间

曹山寺庙宇全部拆除，附近山上的历代禅师墓塔，碑铭也均被打碎。

1982年

江西省人民政府拨款五千元，用于修复本寂禅师墓塔。

1982年9月

日本驹泽大学松田文雄先生向中国佛教协会负责人赵朴初老居士申请，赵老派江西省佛教协会会长一诚长老陪同『日本曹洞宗第四次佛教史迹考察团』一行十五人，考察曹山宝积寺遗址，参拜本寂禅师墓塔处。并捐赠1000元外汇券。同

年，宜黄县政府将曹山宝积寺本寂禅师墓塔列为县次重点文物保护单位，并拨款加以修复。1984年江西省人民政府再拨款2000元，用于修复本寂禅师墓塔。至1985年5月，本寂禅师墓塔修葺一新。

1985年

曹山宝积寺被列为江西省第一批省级重点风景名胜，包括本寂禅师墓塔，以及历代祖师面壁参禅的雨花崖、卓锡泉、回龙洞等诸灵迹。

1986年11月

江西省佛教协会会长一诚长老陪同以日本花园大学柳田圣山教授为团长的佛教史迹考察团一行十四人，考察曹山宝积寺遗址，参拜本寂禅师墓塔。



4.本寂祖师塔前的石狮子历经沧桑，本有两只，现存一只，断了条腿，曾被弃于水沟中。



1.上世纪八十年代，江西省地委领导来视察曹山寺，都要走在杂草丛生的小路上。
2、3.1982年四月初八佛诞日，宜黄县曹洞宗系下众弟子参拜祖师墓塔（左起悟玄法师、道妙法师、清规法师、悟清法师）。





1995年至1998年期间

曹山宝积寺先后修复了客堂（伽蓝殿）、西厢僧舍、斋堂、观音堂等建筑。日本驹泽大学第十六次中国佛教史迹参拜访中团、美国佛教居士以及宜黄籍旅台同胞先后到祖庭朝拜，并乐捐定制香炉一罇，置于伽蓝殿前。



1. 1996年“日本驹泽大学第十六次中国佛教史迹参拜访中团”参拜祖师墓塔。
2. 由缅甸信众捐赠的十三尊玉佛抵达曹山宝积寺。
3. 从1995年开始，曹山宝积寺先后修复了客堂（伽蓝殿）、西厢僧舍、斋堂、观音堂等建筑。
4. 2004年，宜黄县委书记黄晓波、宜黄县长谢祖鹏与杨钊先生对重建工作达成共识。并礼请心亮法师担任曹山宝积寺住持，衍悌法师为监院。其后，宜黄县委县政府征地征山380余亩，无偿划拨给曹山宝积寺。
5. 全国政协委员、著名护法大德居士、香港旭日集团董事长杨钊先生（右四）来曹山宝积寺视察。

1999年9月19日

缅甸信众梦见曹山，先后两次捐赠玉佛卧佛（释迦牟尼佛）、观世音菩萨、如来佛、药师佛、阿弥陀佛、文殊菩萨、普贤菩萨、韦驮菩萨等共计十三尊玉佛。



2001年12月31日

在离寺两华里的山坳上发现一座曹山宝积寺和尚古墓塔，横眉上写『曹山宝积寺塔』右道第一行文字为『庵隴公禅师塔』，左上第一行文字为『皇清康熙二十年，*』字迹不清，大中央的六方圆柱横在地上，仅能辨清『曹山寺』三字，查辞海纪年表对照为公元1681年所立墓塔，距今320年。

2004年5月7日

全国政协委员、著名护法大德居士、香港旭日集团董事长杨钊先生来曹山宝积寺视察，希望重振祖庭宗风，愿意出资恢复修建曹山宝积寺。时任宜黄县委书记黄晓波、宜黄县长谢祖鹏与杨钊先生对重建工作达成共识。并礼请心亮法师担任曹山宝积寺住持，衍悌法师为监院。其后，宜黄县委县政府征地征山380余亩，无偿划拨给曹山宝积寺。





2004年9月3日

中国佛教协会会长一诚长老陪同中国佛教协会咨询委员会主任佛源长老一行来曹山宝积寺参加宝积寺重建奠基仪式。九月三日在曹山宝积寺，一诚长老、佛源长老和江西省佛教协会副会长纯一、纯闻、印空等大和尚和江西省统战部副部长、省民族宗教局局长陈卫民、抚州市委副书记罗建华、抚州市政协主席李品行、抚州市委常委统战部部长王晓媛、宜黄县委书记黄晓波、宜黄县政府县长谢祖鹏等领导出席曹山宝积寺重建奠基仪式。



2004年10月5日

在香港旭日大厦的会议室，全国政协委员、著名护法居士大德、香港旭日集团董事长杨钊先生主持召开了曹山宝积寺重建工作会议，原则通过了曹山宝积寺重建总体规划和研究了重建中的相关工作。2005年建三学堂，2006年建斋堂，2007-2008年建藏经阁，内设法堂、祖师殿，2009年建大雄宝殿及两侧走廊、配殿、天王殿、钟鼓楼、客堂、养净院等，并塑造各殿圣像。祖庭重光大唐风貌。



2004年到2005年

香港大屿山宝莲寺退居方丈圣一长老先后多次关心视察曹山宝积寺建设情况，并为祖庭重兴多方奔走筹资。



2006年9月22日

由全国政协委员、著名护法居士大德、香港旭日集团董事长杨钊先生全资兴建的三学堂启用，曹山宝积寺筹办佛学院首届戒律班开学，六十余位来自全国各地寺院的学员开始为期两年的佛学专业学习。



3.



4.



5.



3.在曹山宝积寺重建奠基典礼上，中国佛教协会会长一诚长老（前排居中）与心亮法师（前排左一）等宝积寺僧众合影。
4.对曹山宝积寺祖庭重光投足殷切期望并不懈努力的一诚长老（左）和圣一长老（右）。
5.2006年，曹山宝积寺筹办佛学院首届戒律班开学。



1.2004年9月3日，在曹山宝积寺重建奠基典礼上，一诚长老（左二）和佛源长老（右一）礼佛。
2.2004年9月3日，曹山宝积寺重建奠基典礼隆重举行。在大殿地基的位置，挖出了唐宋时期曹山寺遗址。



2.



1.



1. “曹山宝积寺大殿竣工暨佛像开光法会” 汇聚诸山长老大德，上图从左往右分别为净慧长老、圣一长老、传印长老。
2. 一肩挑禅宗五家宗脉的净慧长老，亲自将曹洞宗宗法传给心亮法师、衍悌法师等七位比丘尼，使她们成为曹洞宗第四十九代衣钵传人。
3. 2007年秋，重修本寂祖师墓塔。本寂禅师真身灵骨被重新装殓安置。
4. 本寂禅师的牙齿舍利历经千年不坏。



2007年秋

重修本寂祖师墓塔。本寂禅师真身灵骨被重新装殓安置。

2007年11月15日

中国佛教协会副会长、河北省佛教协会会长、湖北四祖寺方丈净慧长老在曹山宝积寺举行「曹洞宗重回祖庭传法法会」，心亮法师、衍悌法师等七位比丘尼成为曹洞宗第四十九代衣钵传人。



2009年11月20日

5. 2013年11月20日，曹山宝积寺住持心亮法师（前坐者），将曹洞宗第五代衣钵传与养立法师（后站立者）。6. 养立法师住持曹山宝积寺之后，即挂起曹洞钟板，恢复禅堂制度。

2013年11月20日

曹山宝积寺大殿竣工暨佛像开光法会举行，由中国佛教协会会长一诚长老、中国佛学院院长传印长老、中国佛教协会副会长净慧长老、香港宝莲寺退居方丈圣一长老主持。

曹山宝积寺住持心亮法师，将曹洞宗第五代衣钵传与养立法师。

2013年12月20日

由中国佛教协会名誉会长一诚长老推荐，曹山宝积寺隆重举行新任住持养立法师晋山仪式。国家宗教局及江西省委省政府发来贺电并派人到会祝贺。河北省佛教协会会长明海大和尚、湖北省佛教协会会长明基大和尚、江西省佛教协会会长纯一大和尚等境内外高僧大德，以及香港民政局副局长许晓晖女士及香港旭日集团代表也到会祝贺。

2013年冬季

2013年，曹山宝积寺如理如法举行冬季禅七法会。这是自祖庭中兴以来首次举办冬季禅七法会。

2014年8月16日

曹山宝积寺举行二期工程奠基仪式。寺院的僧众在住持养立法师的带领下进行了洒净。此后曹山宝积寺开始向国家宗教事务局申请开办曹洞佛学院。

2015年4月28日至29日

国家宗教事务局四司赵忠海副司长一行，由江西省市县各级宗教局相关人员陪同，到曹山宝积寺考察调研佛学院的办学情况。经国家宗教事务局考察，认为可以筹办曹洞佛学院。这也是第一座以宗派命名的全国性的女众佛学院。国家宗教事务局领导希望加快曹洞佛学院的建设。



3.



1.



2.

1.2013年，曹山宝积寺如理如法举行冬季禅七法会。这是自祖庭中兴以来首次举办冬季禅七法会。

2.2015年5月~6月，曹山宝积寺承办江西省佛教会第十九次二部僧三坛大戒传戒法会，来自全国的三百多僧众在曹山宝积寺学习受戒圆满。

3.2015年9月，国家宗教事务局局长王作安一行到曹山宝积寺调研。



2015年5月29日-6月27日

曹山宝积寺承办江西省佛教会第十九次二部僧三坛大戒传戒法会，会期有来自全国的三百多僧众在曹山宝积寺学习受戒圆满。其中三师分别是：心亮尼和尚、果孝法师（字衍梯）、宏戒法师；七证分别是：印定法师、顿成法师、能律法师、衍药法师、青莲法师、果禅法师、法平法师。

2015年

结夏安居期间，二部僧三坛大戒传戒法会期间，以及女子禅修夏令营期间，江西省佛协副会长纯一大和尚先后三次莅临曹山宝积寺为众人做开示。

2015年9月19日

江西省政协主席黄跃金来到曹山宝积寺调研。9月20日，抚州市委书记肖毅、抚州市市长张鸿星陪同国家宗教事务局局长王作安一行到曹山宝积寺调研。大家一致认为曹洞佛学院学风严谨，实现了佛教特色的自觉化管理。对「农禅」与「文禅」的座谈汇报表现出了极大的兴趣，并对寺院在保持传统修学的同时，运用现代化的传播方式弘扬佛法赞叹不已。



4.2015年9月19日，江西省政协主席黄跃金（左一）来到曹山宝积寺调研。

5.2016年11月，曹山宝积寺举行“千人抄经祈福法会”。全球超过三十万人与法会同步在线抄经，盛况空前。



2016年2月23日

由世界佛教徒联谊会与泰国僧王办公室联合举办的『第三届世界杰出领袖』颁奖盛会在泰国曼谷举办，曹山宝积寺住持养立法师获颁『世界佛教卓越领袖奖』，以此表彰她三十年来致力于佛教慈善事业的贡献。

2016年7月18日

斯里兰卡凯莱尼亚大学副校长 P. O. T. Lakshman Seneviratne 和人文学院院长资深教授 Rajitha 到曹山宝积寺参访祖庭，并视察了曹洞佛学院的办学情况。2016年9月22日，曹洞佛学院十五位比丘尼学僧受邀参加中斯合作交流国际研讨会，其中，三位学僧的论文入选优秀论文并在研讨会上发言。



1.“读万卷书，行万里路”，曹山宝积寺僧众西行行脚，在大漠戈壁留下了坚毅求法的身影。
2.2016年2月，养立法师荣获由世界佛教徒联谊会与泰国僧王办公室联合颁发的“世界佛教卓越领袖奖”。
3.2016年9月，曹洞佛学院十五位比丘尼学僧受邀参加中斯合作交流国际研讨会。

2016年8月3日

国家宗教事务局再次考察曹洞佛学院的筹备情况，并对考察结果赞许不己。2016年10月，经国家宗教事务局批准曹洞佛学院筹备成立，学制四年，宗教本科学历，面向全国招生。

2016年11月5日


曹山宝积寺举办『千人抄经祈福法会』，来自全国各地的千余僧众、居士共同抄写心经。这是迄今为止规模最大的抄经法会，除在曹山宝积寺现场进行抄经的四众之外，全世界范围内同时在线抄经的人数达三十万人，盛况空前。

2017年7月9日-12日

首届中国曹洞宗禅学国际研讨会在曹山宝积寺隆重召开，研讨会的主题是《全球格局中的曹洞禅法：历史、现实与未来》(Caodongchan in the World: Past, Present and Future)。来自日本、韩国、英国、东南亚等多个国家的政要、宗教学者与佛教高僧大德共襄盛会。



曹洞



首届中国曹洞宗
禅学国际研讨会
暨
本寂祖师涅槃日纪念法会



曹山

大事记



曹山寶積寺



封面效果图



封底效果图